

DISPUTATIO POLITICA

De

Magistratu,

quam  
PRÆSIDE

M. MICHAELE WENDELERO P.P.

*publicè proponit*

CYRIACUS HEYDELBERGERUS Lips.

Die 30. Decembris in Auditorio Majori  
horis matutinis à VII. usque ad XI. m.

---

WITTEBERGÆ

Ex officinâ Typographicâ MICHAELIS Wendt

ANNO M DC XLVII

# TRINO SENATUI

Lipsiensi splendidissimo, & Amplitudinis magnitudine Excellentiss. *Patribus Patriæ* meæ, quæ est Lipsia, conscriptis, Dominis, ac Patronis meis, summâ de veneratione reverenter, ac honorificè semper colendis;

*Nec non*

*Parenti* meo dilectissimo, Dn. CYRIACO  
Hendelbergern, J.U.D. & Curiaë provincialis  
Saxon. Electoralis Lipsiensis Advocato  
ordinario,

*Hanc inscribo, dedico, & transmitto disputationem  
ex Academia Wittebergensi, animò modestò &  
devotò.*

Ad Patres Patriæ Lipsiensis.

**N**atura sicut ipsa  
Vult Liberos amare  
Suos, Suos Parentes  
Generationis ergo:  
Sic Jura Civitatis  
Patres, sibi dicatos  
Jubent amare Cives,  
Directionis ergo.  
Vos, Patria Colendi  
Patres, Honore, Amore  
Digni meòs, Favete  
Vestros, Favete, Civi,  
Qui Vos amat, vicissim  
Amate Vos amantem.  
Amoris esto Munus

Mei, manus modestè  
Quod offerunt, videte  
Hanc Disputationem,  
Et Disputationis  
Hanc Dedicationem.  
Videte, judicate  
Opus, Patres, Amoris,  
Sua quidem patente  
Exilitate parvum,  
Sed intimâ Pietatis  
Capacitate Magnum.  
Quin maximum futurum  
Affectione vestrà,  
Promotione vestrà  
Meas juvante Musus.

Cyriacus Hendelberger

Bon. Art. Bacc. R.

# I. N. 7.



On tanta est potestas orbi huic imperantium, summa licet sit, ut omnes muneris sui partes implere soli possint atque exequi. Non prospicere potest ex æquo omnibus Princeps, nec præesse solus subditæ multitudini. Administris itaque opus est, qui vicem ejus obeant, Eumque & publicis & privatis districtum negotiis adjuvent fideliter. Magna siquidem negotia magnis indigent adjutoribus. Plus vident oculi, quam oculus. Nec una tantum præstat manus facile, quod duæ poterunt aut plures. Merito igitur observanda hic, quæ habet Philosophorum Princeps: *ἀντὶ ἀρχόντων ἀδύνατον αὐτοῦ πάλαι*. De quibus inferioribus Magistratibus libet hæc vice Positiones quasdam, quod & de summo factum est antè, in medium proponere. Tu, DEUS maxime, adisceptis & conantem adjuva!

I. 4. Pol. 4.

## POSITIO I.

*Personæ, quas ad faciliorem Reip. administrationem adhibet Majestas, non sunt liberæ & absolute potestatis.*

Ut in singula Reip. membra commodius derivetur Salus Reip. quam intendunt unice Principes boni, seliguntur Personæ, quibus datâ simul autoritate & lege definitâ, negotium committitur publicum. Accipiunt itaque potestatem ab alio, nec omnem tamen, sed aliquam. Manet conjuncta cum jure imperandi parendi necessitas. Fas igitur, ut intra præfixos limites se contineant, & ita absolvant commissa munia, ne ultra, quam par erat, progressi, Majestatem, à qua dependent ipsi, violent. Metuendum hoc tunc sæpè est, cum viis illis armorum vis omnis conceditur, & occasio aperitur augendæ nimium potentie. Quæ se ita efficiendi dignitate sunt minorum gentium hominibus, ut uti-

lis ea sit Patriæ, non exitiosa. Non absre erit quoque eandem, certo circumscribere tempore, quod ad libertatis custodiam multum conferre creditur. Unde & hanc ob causam Dictatura in liberâ Romanorum Republ. fuit tantum semestris.

## II.

### *Personarum dicto modo subornatarum usus præcipuus in consiliis dandis & auxiliis Reip. ferendis.*

Duo hæc sunt quæ à ministris suis Princeps poscit officia. Prima Ipsi cura in Consiliariis optimis quibusque adsciscendis. Et exigunt horum opera primariò Politici, adeò ut fundamentum existiment, in quo tanquam immobili cardine cæteri magistratus mutabiles versantur. Nec potest regnum majori affici commodo, quàm si unâ cum Principe bono Consiliarios habeat non malos. Ruit mole suâ vis omnis, quanta quanta sit, si expers sit consilii: Firmatur verò & tedintegratur Imperium Consiliorum dexteritate, si vel maximè interitui proximum jam fuerit. Cætera, quæ Reip. promovere queunt utilitatem, cæteri dant expeditum Officiales. Hic judicando, & potam malis, bonis præmiâ distribuendo; aliter circa redditus & ærarium publicum occupatus est, atq; ut illud augeat ac locupleter subinde, omnem movet lapidem. Sua quod Cuius tribuit sparta, efficit sedulo, ut omni moda Reip. exurgat Salus.

## III.

### *Consiliarii & Senatores decernendi ac sententia pronuntiande jus quidem habent, imperandi tamen potestate carent.*

Nullum penes Senatores, uttales, Imperium. Temperato debent

Debent in Democratiâ præcipitantiâ & furorem vulgi, consilio-  
rum tarditate prudenti, & consulere Monarchæ, qui quod ex usu  
& re populi sit cernere solus non potest, nec vult semper, quod An-  
tonius pius faciebat, qui æquius est, inquit, ut tot & tantorum  
amicorum consilia sequar, quàm ut tot & tanti me unum. In  
Aristocratico statu aliter se res habet. Componitur ex ipso sena-  
tû Aristocratiâ. Unde mirum non est, si isti habeant simul pote-  
statem. Præscribunt itaque modum saltem ac normam Consu-  
liarii, juxta quam formanda & reformanda Respublica, non ipsi  
præcipiunt aut mutant quicquam, nec falcem in alienam mit-  
tant messem, aut curiosi habeant curam rei, quæ ad illorum forum  
spectat neutiquam.

#### IV.

### *Consiliarios Fidelitas commendat maximè & Taciturnitas.*

Evehendi non præcipuè sunt quilibet in consilium, sed qui  
rerum experientiâ, sine qua Resp. administrari haut potest, præ-  
cellentes, quod in commune conducatur, consulere norunt. Ad-  
hibiti ex fide agere rem debent, utpotè quibus providendum quo-  
que est, ne quid Resp. capiat detrimenti. Sint ab adulatione a-  
lieni, & celent nihil, sed puram meramq; propinent veritatem,  
nihil verentes vultum Tiberii, aut sævitiam Domitiani. Absit  
etiam insatiabilis auri cupido, ne clucellum turpe anteponatur  
rei publicè tractandæ. Moneat de periculis Principem Con-  
siliarius & noxis, quas impendere videt regioni, & subducatur eum  
futuræ tempestati, Cato veluti alter, qui impendens crebrò va-  
ticinatus est. Occultandum deinceps, quod prolutum est, consi-  
lium, nec divulgandum temerè. Proditur enim à Consiliariis Prin-  
ceps & Resp. cujus consilia enunciantur, quæ irrita hoc modo  
redduntur, & nocent magis quàm profunt. Gravissimum est  
monitum Leonis Imperatoris: In rebus occultis & abditis fideles  
adhibe Tibi & temperantes Viros & Taciturnos, & qui in suâ  
non aliorum potestate sunt: cum secreta res istæ ut secretiores fi-

ant, non indigeant ad agnoscendum multitudinem. Iustæ  
pud gentes ferè omnes pœnæ divulgatoribus istis leguntur positz,  
Ægyptiorum lex abscindere illis jubebat linguam, quos Rôma  
sanctio exurendos vivos & ut Transfugas, furcæ suspenden-  
dos dictitabat. Magni igitur æstimanda Consiliatorum Taciturnitas, optimum illud atq; tutissimum rei administrandæ vin-  
culum. Ad quam incitari debent etiam exemplo Epaminondæ  
qui ex eo, quod commissi fuerit celans, non minimâ ab historicis  
laude commendatur.

## V.

*Auxilio juvantes Rempubl. non unius sunt ge-  
neris, sed plures esse possunt, iîq; gene-  
rales & speciales.*

Ut variz. Rerumpubl. formæ sunt, variz itidem functiones:  
ita varii quoq; sunt ii, qui earundem administrationi sese acin-  
gunt. Committitur negotium cuivis pro ingenii modulo, & rei  
dignitate. Brevibus quod limitatum est terminis, non multis  
indiget administratoribus. Sic initio Reges Romani contenti e-  
rant Tribuno, quæstore, & absente rege, præfecto urbis, ut  
refert Dionysius Halicarnasseus. Deindè verò crescente Rep.  
Magistratuum numerus etiam crevit, ut patet hoc ex Pomp. l. 2. de  
org. Jur. Fenestellâ, Sigonio de Magist. Rom. Zasio, Cujacio,  
& aliis JCTis. Quoniam verò ex administratione duplici uni-  
versali & particulari judicatur, rectè Magistratuum minorum  
natura duplex ille statuitur: generalis, cujus cura in providentia  
de salute totius Reip. versatur, & specialis, quem dicimus esse  
Quæstorem, Judicem & Censorem.

## VI.

*Curatores ut præficiantur ærario, ex usu est  
Reipublicæ.*

Ærarium enim si accretetur minus, labascet Imperii vigor miserè. Pecuniæ sunt rerum gerendarum nervi, sine quibus ut ambulare ægrè possumus: ita nec Respubl. progredi valet sine istis. Solvenda stipendia officialibus, sustentanda Imperatoris familia, ædificia publica, sacra & profana restauranda. Quæ omnia non temnendam poscunt pecuniæ summam. Quid quod nec bellum, quo nititur Reip. salus non rarò, suscipiatur feliciter satis, si Ærarium non sufficienter sit instructum. Quare imitandum prudens consilium est, quod de Augusto c. 99. Suetonius memorat: Quicquid ubiq; militum esset, ad certam stipendiorum, præmiorumque formulam astrinxit, definitis pro gradu cujusq;, & temporibus militiæ & commodis missionum, ne aut ætate, aut inopiâ post missionem sollicitari ad res novas possent. Utq; perpetuò sine difficultate sumtus ad tuendos eos, proseguendosque suppeteret, ærarium militare cum vectigalibus novis constituit. Alexander Severus gemmarum quod fuit, vendidit, & aurum in ærarium contulit, dicens gemmas viris usui non esse. Ita Nerone Principe quadringenties H. S. Ærario illatum ad retinendam populi fidem. Opes adeò publicæ necessariæ exemplo gentium omnium vel plurimarum. Quibus si destituatur aliqua Respubl. fatum sentiet idem, quod Spartanorù, qui ex ærarii defectu opprimobantur, assurgentibus contra Romanis, hæc ex parte abundanter instructis.

## VII.

*Questorum cura circa Ærarii publici accepta  
& expensa occupata  
est.*

Quæstura apud Romanos gradus erat honoris, ordine primus,



dignitate ultimus. Tyrocinium appellaretur re ad nobilitatis  
& eorum, qui ad Rempubl. evolare satagerent. Ostendebant  
ibi indolem suam ac ingenium, & imprimis custodiendi soler-  
tiam, alieniq; abstinentiam. Quâ de causâ non ipsis solum sed  
& eorum asseclis lege Claudîâ prohibita fuit negotiatio. Nam  
quæ prima illis atque potissima officii pars erat, circa redditus  
ærarîi versabantur, scilicet ut publicas pecunias ex hæreditati-  
bus, multis (unde multarum receptorès, dicuntur Tacito,) aliisq; de causis ad ærarium publicum pertinentes, vestigalia  
& quicquid ex agris locisque publicis elocatis percipi potuit di-  
ligenter conquirant, & in ea, quæ communis necessitas requi-  
rit, erogent. Dicti inde ab inquirendâ pecuniâ quæstores, ut  
testatur Pompon. l. 2. §. 22. de origin. Jur. Modi acquirendi pe-  
cunias publicas plurimi. Septem tamen generibus includi eos  
posse Bodinus l. 6. de Rep. c. 2. dicit. Primum est ex agris publicis,  
pro quibus elocatis pensiones ærario numerabantur. Alterum ex  
hostium spoliis quo mirum in modum Romanum augebatur æ-  
rarium. Omne enim quod ab hostibus Romani populi acquire-  
batur in usum publicum ejusdem asservabatur, ut inde cruenta-  
rum prædæ receptaculum fuerit dictum. Plin. in Panegy-  
c. Tertium ex amicorum largitionibus & legatis. Qui posterior  
modus Reip. Romanæ maximum quoque dedit augmentum. Nam  
Ptolomæus Cyrenensium, Atlas Asiæ, Eumenes Pergami, Nico-  
medes Cithyniæ, Cretius Alpium Reges Populum Romanum  
fecerunt hæredem, amplissimaque Regna nullâ vi quæsitâ lega-  
runt. Augustus quoque Cæsar immensam pecuniæ summam  
populo Rom. legavit. Quartum genus est, quando annua pen-  
sio à sociis Civitatibus ex fædere percipitur. Quintum quando  
Princeps vel Magistratus mercaturam abundantem & quæstuo-  
sam vel suo vel alieno nomine exercet. Quod non adeo fre-  
quens & Imperatoriæ dignitate indignum. Sextum ex Vestigali-  
bus earum rerum, quæ evolvuntur & invehuntur: quod & anti-  
quissimum & usitatissimum. Septimum est ex tributis & colle-  
ctis subditorum. Quod arripiendum non facile est, nisi extrema  
necessitate adigatur Princeps eo, quod providere tamen tempesti-  
vè de-



vè debet. Defectionis enim causa esse solet tributum, si præter  
solutum imponatur populo. Ut igitur in officio contineatur,  
& obsequio subditus, proportio in exigendis tributis probe ob-  
servetur.

## VIII.

### *Ut Iustitia floreat in regno Judicium efficitur operâ atq; prudentiâ.*

Iustitiæ habenda etiam in regno cura, & vel omnium  
maxima. Servat hæc regna & collapsa ad pristinum reducit ni-  
torem. Tollenda est malitia & petulantia, nec ferenda impuni-  
tas, quæ mater est insolentiæ, radix impudentiæ & transgressio-  
num nutritrix. Ut enim, Ciceronis sunt verba, in corpore, si quid e-  
jusmodi est, quod reliquo corpori noceat, urî secariq; patimur, ut  
membrorum aliquod potius, quàm totum corpus intreat: Sic  
in Reip. corpore, ut totû sit salvû, quicquid est pestiferum, ampu-  
tandum. Restituenda est dignitas ei in quem est peccatum & de-  
terrendi alii poenarum gravitate, ne simile quid audeant. Præmiis  
etiam, qui alter modus exercendi Iustitiæ est, mulcendi boni,  
ut in cursu laudabili pergant, & eandem ad virtutis viam insti-  
gent alios. Præstantissimos enim Viros in eorum Republ. esse  
dicit Thucydides, apud quos maxima virtutis præmia propo-  
nuntur. Quod ut fiat decenter, legendi Viri boni sunt, qui suum  
euiq; tribuant, & jus secundum Legum præscripta dextrè pro-  
nuncient. Valet hîc multum animus scientiâ solidâ imbutus, &  
affectuum pravitate vacuus. Hi enim velum obtendunt veritati,  
nec Judicare ex æquo sinunt. Pars audienda utraq; est, nec  
damnanda ea, quæ causæ innocentia absolvit. Elegans exemplum  
præbet Alexander M. quod omnibus Judiciis imitandû reliquit,  
qui cum controversias audiret, solitus fuit autem alteram obcura-  
rare, ut eam reo integram servaret: Momentum non parvum  
etiam in eo situm, ne quid præcipitanter agat Iudex, cum nihil  
eâm contrarium sit iudicio, quàm subito sine iudicio discernere.

*Censores circa actiones & mores ab honesto deviantes versantur, absolviturq; eorum officium inquisitione & animadversione.*

Coercere debent populum & animadvertere in mores aut luxus eos, qui legibus non ascentur Censores. Unde censura magistra pudoris & modestiæ Ciceroni dicta est. Inquisitione ut instituitur recte, occupata est in explorandâ generatione; ut ne ipse matrimonium ineant personæ habiles, ne illiciti concubitus impune concedantur, & simultanea Polygamia toleretur; ne mulieres gravidæ abortum proterve causentur; ut obstetrices idoneæ constituantur in educatione, ut & ratio alimentationis & procurandæ sanitatis habeatur. Consistit & pars officii censorii in indagandis facultatibus civium, ut constet, quantum quisque bonorum possideat: in explorandâ ætate ac prosapia, ut innotescat cuiuslibet divitis conditio, an sit plebejus; inquilinus an forinsecus adscitus & allectus, spurius an legitimus, quorum singulorum exploratio nisi præcesserit, Magistratus vix sese decenter gesserit, vel erga peregrinos in quibus recipiendis & tolerandis peccabit multum vel in excessu, vel in defectu; quod utramque Reip. non parum est exitiosum.. Explorandæ & actiones vitiosæ & emendatione indigentes, vel ex defectu temperantiæ, vel liberalitatis, mansuetudinis, justitiæ, æquitatis, aliarumque Virtutum propullantes, de quibus Politici passim. Factâ exploratione & correctione irritâ animadversionem exercent Censores increpando graviter, & ignominia notam insigendo: vel si correctu non adeo faciles sint homines, certam pecuniæ summam exigendo ab iis, vel carceribus & ergasteriis hæc ob causam à Magistratibus constitutis includendo. Quæ ut olim instituebantur & urgebantur strenuè omnia, ita tanta hodiè in iis remissio & negligentia, ut Virorum gravissimorum querelas merito excitent & la-  
rumas.

Optan-

Optandum itaque ut reducat<sup>ur</sup> censura & de novo instituant<sup>ur</sup>;  
quibus verbis D. Mart. cap. 29. Polit. concludit.

X)

*Extra ordinem & sine legē quibus officia com-  
mittuntur, Curatorum nomine  
generali veniunt.*

Multiplices si & ferē plures reperiuntur, quā Magistra-  
tus. Maximam enim cognationem habere dicitur Curatio & Ma-  
gistratus, adeo ut idem officium saepius ex curatione abeat in Ma-  
gistratum, si consuetudine coeperit contingari. Sic ordinarij  
facti sunt Magistratus Tribuni militum, qui consulari potestate  
curatores initio erant. Hos inter maximā præminent dignitatē

Legati, quorum prolixior institutū posset Consideratio;  
sed hac vice placet hic subsistere.

Sicque.

SOLI DEO GLORIA



THE UNIVERSITY OF CHICAGO  
LIBRARY

ENTRANCE OF THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

SOLE DEPOSIT

